

Postridie etiam Dux Curlandiæ, summus Regiæ Majestatis Locum-tenens & Gubernator Livoniæ in curia Regiensi publice renunciatus, & claves arcis & portæ civitatis recepit. Nobilitati verò & civibus omnia sua jura & privilegia restituta & confirmata sunt, prout in literis apud D. Davidem Chytræum videre licet. Dividitur autem Livonia in tres partes locis & linguis distinctas, videlicet in *Estiam*, *Letteam* & *Curlandiam*. *Estorum* provincia sunt *Harria*, cujus Metropolis est *Revalia* Aquilonem versus ad Mare Balticum sita, nihilo *Riga* inferior a *Voldemaro* condita & portu celebris. Cives jus habent *Lubecente*, monetamque cudunt quadrangularem, *Viria* in qua *Weisenburg*, *Tollberg*, *Borcholm*, Episcopi Revaliensis sedes; *Allantakia*, ubi *Nerva* ad fluvium ejusdem nominis, habetque ex adverso arcem Moscorum *Ivanovv Gorod*. Fluvius hic Livoniam a Moschorum dominatione dirimit & *Nyschlot*, *Odenpoa*, in qua *Derpt* sive *Topatum* urbs Episcopalis & mediterranea *Wernebec*, *Helmede*, & *Ringen*. *Fervia* ubi *Vittenstein*, *Lais*, *Overpolen*, *Vellin*. *VVichia*, ubi *Abseel*, *Leal*, *Lode* & *Parnovia*. Estis adjacent Insulæ *Oslia*, *Dageden*, *Mona*, *VVormse*, *VVrangen*, & *Kien* & aliæ plures, in quibus partim *Estica*, partim *Suevica* lingua utuntur. *Lettorum* urbs sunt, *Riga* *Kokenhusen*, *VVenden*, *UVolmar*, & tota Diœcesis *Rigen* sita. *Riga* Primaria totius Livoniæ civitas est ad Duinam, quæ se in Sinum Venedicum exonerat. Colonia hæc *Bremen* sum est, muro fortissimo, propugnaculis, turribus, & bellicis tormentis contra omnem vim instructa, fossis insuper duplicibus & acutis stipitibus munita. Arcem habet instructissimam, in qua olim Magistri Livoniæ (Ordinis fratrum Teutonicorum) sedem habuerunt: eam ante paucos annos *Gothardus Ketlerus* de quo supra, Regis Poloniæ feudalisi nomine regio administravit; sed in Civitatem ipsam nihil usurpavit juris. Administratores enim sive Capitaneum aliquem cives libertatis adsertores strenui non patiuntur, tributa solum Regi Poloniæ & obedientiam fideliter præstant, in cæteris jus municipale habentes. Præterea forum hic est omnium fere mercium Septentrionalium, *Picis*, *Lini*, *Ceræ*, *Canabis*, *Lignorum*, aliarumque rerum istiusmodi. *Curlandia* *Opeida* & *Arces* sunt, *Goldingen*, *Canda*, *Uvinda*, quæ Polonis dicitur *Kies*, nobis *VVenden*, celebris jam olim ob aulam Magistri Ordinis Teutonici, in qua etiam Comitia celebrari solita; nunc Polonicis præfidiis oblecta est. *Durbin*, *Srunda*, *Grubin*, *Pilten*, *Amboten* & *Hasenpot*, *Semigallia*, *Mitovia*, sedes aulæ Ducum Curlandiæ, *Selborch*, *Bassenburg*, *Doblin* & *Dalem* urbes sunt. *Semigalliam* verò & *Curlandiam* a *Lettorum* populis & reliqua Livonia, fluvius *Duna* determinat. In Livonia permulti sunt *Lacus*, insignior est *Beibus*, qui in longitudinem ad 45 milliaria Italica porrigitur, atque vario Piscium genere abundat. Fluvii sunt *Druina*, *VVinda* & *Beca* & *Beca* ac nonnulli alii. *Duna* sive *Duina* Ptolemæi, *Rubo* *Peucero*, ex *Russia* longissimo tractu per *Lithuaniam* & *Livoniam* manas duobus infra *Rigam* milliariibus in Sinu Livonicum & Balticum Mare tandem infunditur. *VVinda* in *Balthicum* itidem Mare exoneratur, non longe à cujus ostio maxima est *Maris* profunditas, ac locus periculosissimus. *Beca*, incolis *Einbeck*, uno fertur alveo in Oceanum, qui cum de præruptis scopulis præcipiti lapsu ruat, idem vicinioribus accidit, quod usu venire habitantibus ad *Nili* Cataractas accepimus (inquit *Leunclavius*) uti nimirum paulatim surdescant. Regio sine montibus, nemorosa, ac *Silvis* in immensum densa. Atque hæc *Her-*

Firma

Lacus

Flumina

Silva